

SLUŽBENI GLASNIK

BRČKO DISTRIKTA

B O S N E I H E R C E G O V I N E

Godina VIII – Broj 2	Petak, 26. januar 2007. godine B R Č K O	Bosanski jezik
-----------------------------	---	-----------------------

25

Gradonačelnik Brčko Distrikta, na osnovu člana 9. tačka 7. i člana 23. stav 1. Zakona o izvršnoj vlasti Brčko Distrikta BiH («Službeni glasnik Brčko Distrikta BiH», broj: 2/00, 5/01, 9/01, 12/01, 16/01, 17/02, 8/03, 14/03, 31/04 i 40/04), u smislu člana 57. Zakona o zaštiti životne sredine Brčko Distrikta B i H („Službeni glasnik Brčko Distrikta BiH“, broj: 24/04 i 1/05), na prijedlog Odjeljenja za javne poslove Vlade Brčko Distrikta br.03-052-000369/06-1 od 20.04.2006. godine, d o n o s i

P R A V I L N I K O SADRŽAJU STUDIJE UTICAJA NA ŽIVOTNU SREDINU

Član 1. (Predmet)

Ovim Pravilnikom propisuje se sadržaj studije uticaja na životnu sredinu projekata.

Član 2. (Sadržaj studije)

Studija uticaja sadrži:

- 2.1. Opći dio,
- 2.2. Tehnički dio,
- 2.3. Zaključak,
- 2.4. Netehnički rezime.

2.1. Opći dio sadrži:

- 2.1.1. Uvodno obrazloženje,
- 2.1.2. Polazne osnove za izradu studije,
- 2.1.3. Priloženu dokumentaciju.

2.1.1. U uvodnom obrazloženju razmatra se uticaj projekta sa stanovišta odnosa prema životnoj sredini, uvažavajući načela definisana zakonima iz oblasti zaštite životne sredine te podzakonskim aktima donesenim u skladu sa zakonima.

2.1.2. U smislu polaznih osnova za izradu studije podrazumijeva se prikupljanje svih relevantnih podataka za realizaciju predmetnog projekta, obilazak terena u smislu verifikacije prikupljenih podataka i istraživanje uticaja u domenu životne sredine, te formiranje posebnih stavova u pogledu zaštite životne sredine i stvaranje uslova za organizovanje javne rasprave.

2.1.3. Pod priloženom dokumentacijom podrazumijeva se sva raspoloživa dokumentacija koja se odnosi na predmetni projekat, uključujući i izvode iz planskih akata.

2.2. Tehnički dio sadrži:

2.2.1. Opis lokacije i područja mogućeg uticaja projekta na životnu sredinu;

2.2.2. Prikaz i ocjenu postojećeg stanja životne sredine, koja bi mogla biti izložena značajnim uticajima projekta, uključujući podatke o njenom postojećem opterećivanju.

2.2.3. Opis projekta, uključujući podatke o njegovoj izmjeni i veličini.

2.2.4. Opis mogućih uticaja projekta na životnu sredinu i pojedine njene elemente, u toku i nakon realizacije projekta, u redovnim i vanrednim okolnostima, uključujući i moguće kumulativne uticaje.

2.2.5. Specifikaciju i opis mjera za sprečavanje, smanjivanje ili ublažavanje štetnih uticaja na životnu sredinu.

2.2.6. Specifikaciju i opis mjera za praćenje uticaja na životnu sredinu u toku i nakon realizacije projekta.

2.2.7. Pregled glavnih alternativa koje je nosilac projekta razmatrao i navođenje razloga za izabrano rješenje, s obzirom na uticaje na životnu sredinu.

2.2.8. Usklađenost projekta sa planovima zaštite životne sredine entiteta, drugim planovima i programima zaštite životne sredine, na koje se projekat odnosi i interpretaciju odgovarajućih dijelova tih dokumenata.

2.2.9. Podatke o eventualnim teškoćama na koje je naišao nosilac projekta prilikom prikupljanja potrebnih podataka.

2.2.1. Opis lokacije na kojoj se planira realizacija projekta, objekti ili izvođenja aktivnosti obuhvata mikro i makro lokaciju i sadrži:

2.2.1.1. Kopiju plana katastarskih parcela na kojima se predviđa izgradnja objekta ili izvođenje aktivnosti, sa ucrtanim rasporedom svih objekata u sastavu kompleksa.

2.2.1.2. Podatke o potrebnoj površini zemljišta u m² za vrijeme izgradnje, sa opisom fizičkih karakteristika i kartografskim prikazom odgovarajuće razmjere, kao i površine koje će biti obuhvaćene kada objekat bude izgrađen.

2.2.1.3. Razloge za izbor predložene lokacije (ako je razmatrano više mogućnosti, opisati iste).

2.2.1.4. Prikaz pedoloških, geomorfoloških, geoloških, hidrogeoloških i seizmoloških karakteristika terena.

2.2.1.5. Podatke o izvorištu vodosnabdijevanja (udaljenost, kapacitet, ugroženost, zone sanitarne zaštite) i podatke o osnovnim hidrološkim karakteristikama.

2.2.1.6. Prikaz klimatskih karakteristika sa odgovarajućim meteorološkim pokazateljima.

2.2.1.7. Opis flore i faune, prirodnih dobara posebne vrijednosti (zaštićenih) rijetkih i ugroženih biljnih i životinjskih vrsta i njihovih staništa i vegetacije.

2.2.1.8. Pregled osnovnih karakteristika pejzaža.

2.2.1.9. Pregled prirodnih dobara posebne vrijednosti, nepokretnih kulturnih dobara.

2.2.1.10. podatke o naseljenosti, koncentraciji stanovništva i demografskim karakteristikama u odnosu na objekte i aktivnosti.

2.2.1.11. Podatke o postojećim poslovnim, stambenim i objektima infrastrukture, uključujući i saobraćajnice.

2.2.1.12. Podatke o drugim zaštićenim područjima, područjima predviđenim za naučna istraživanja, o arheološkim nalazištima i posebno osjetljivim područjima.

2.2.2. Prikaz i ocjena postojećeg stanja životne sredine na predmetnoj lokaciji, u smislu ovog Pravilnika sadrži:

2.2.2.1. Identifikovane izvore emisija.

2.2.2.2. Step en zagađenosti vazduha osnovnim i specifičnim zagađujućim materijama.

2.2.2.3. Nivo saobraćajne i industrijske buke.

2.2.2.4. Nivo jonizirajućih i nejonizirajućih zračenja.

2.2.2.5. Kvalitet površinskih voda i ugroženost otpadnim vodama industrije, naselja i poljoprivredne proizvodnje;

2.2.2.6. Nivo podzemnih voda, pravce njihovog kretanja i njihov kvalitet.

2.2.2.7. Bonitet i namjenu korištenja zemljišta i sadržaj štetnih i otpadnih materija u zemljištu.

2.2.3. Opis projekta sadrži:

2.2.3.1. Opis fizičkih karakteristika cijelog projekta i uslove upotrebe zemljišta u toku gradnje i rada pogona postrojenja predviđenih projektom.

2.2.3.2. Opis projekta planiranog proizvodnog procesa, njihove tehnološke i druge karakteristike.

2.2.3.3. Prikaz vrste i količine potrebne energije i energenata, vode, sirovina, potrebnog materijala za izgradnju i dr.

2.2.3.4. Prikaz vrste i količine ispuštenih gasova, vode i drugih tečnih i gasovitih otpadnih materija, posmatrano po tenološkim cjelinama, uključujući emisije u vazduh, ispuštanje u vodu i zemljište, buku, vibracije, svjetlost, toplotu, zračenja (jonizujuća i nejonizujuća);

2.2.3.5. Identifikacija vrsta i procjena količine mogućeg otpada, prikaz tehnologije tretiranja (prerada, reciklaža, odlaganje) svih otpadnih materija.

2.2.4. Opis mogućih uticaja projekta sadrži prikaz mogućih potencijalnih promjena u životnoj sredini za vrijeme izvođenja radova, redovnog rada objekta ili aktivnost i za slučaj nesreće većih razmjera, kao i procjenu da li su promjene privremenog ili trajnog karaktera. Opis se odnosi na promjene:

2.2.4.1. Kvaliteta vazduha, vode, zemljišta, nivoa buke, intenziteta vibracija, zračenja, flore i faune;

2.2.4.2. zdravlja stanovništva;

2.2.4.3. meteoroloških parametara i klimatskih karakteristika;

2.2.4.4. ekosistema;

2.2.4.5. naseljenosti, koncentracije i migracije stanovništva;

2.2.4.6. namjene i korištenje površina (izgrađene i neizgrađene površine, upotreba poljoprivrednog zemljišta);

2.2.4.7. u komunalnoj infrastrukturi ;

2.2.4.8. na prirodnim dobrima posebnih vrijednosti, kulturnim dobrima i njihovoj okolini, materijalna dobra, uključujući kulturno-historijska, i arheološko naslijeđe;

2.2.4.9. pejzažnih karakteristika;

2.2.4.10. međusobnih odnosa gore navedenih faktora;

2.2.4.11. opis mogućih uticaja projekta na životnu sredinu treba da sadrži opis metoda koje su predviđene za procjenu uticaja na životnu sredinu;

2.2.4.12. opis treba da sadrži direktne uticaje i bilo kakve indirektn e, sekundarne, kumulativne, kratkotrajne, srednje i dugotrajne, stalne i privremene, pozitivne i negativne uticaje.

2.2.5. Opis mjera koje će nosilac projekta preduzeti za sprečavanje, smanjivanje, ublažavanje ili sanaciju štetnih uticaja na životnu sredinu, obuhvata: mjere za uređenje prostora, tehničko-tehnološke, sanitarno-higijenske, biološke, organizacione, pravne, ekonomske i druge mjere. Opis mjera sadrži:

2.2.5.1. mjere koje su predviđene zakonom i drugim propisima, normativima i standardima i rokovima za njihovo sprovođenje;

2.2.5.2 .mjere koje se preduzimaju u slučaju nesreća većih razmjera;

2.2.5.3. planove i tehnička rješenja zaštite životne sredine (reciklaža, tretman i dispozicija otpadnih materija, rekultivacija, sanacija);

2.2.5.4. druge mjere koje mogu uticati na sprečavanje ili smanjivanje štetnih uticaja na životnu sredinu.

2.2.6. Studija uticaja sadrži i program praćenja uticaja na životnu sredinu koja će se sprovođiti poslije puštanja objekta u rad ili započinjana planirane aktivnosti. Program praćenja uticaja na životnu sredinu sadrži:

2.2.6.1. prikaz stanja životne sredine prije puštanja objekta u rad na lokacijama gdje se očekuje uticaj na životnu sredinu;

2.2.6.2. parametre na osnovu kojih se mogu utvrditi štetni uticaji na životnu sredinu;

2.2.6.3. mjesta, način i učestalost mjerenja utvrđenih parametara.

2.2.7. Nacrt osnovnih alternativa sadrži opis alternativa i opis razloga zbog kojih su one izabrane, uzimajući u obzir uticaje na životnu sredinu.

2.2.7.1. usporediti jasno i objektivno glavne uticaje na životnu sredinu svake od alternativa sa uticajima predloženog projekta, te sa pretpostavljenim budućim stanjem životne sredine.

2.2.8. Usklađenost projekta sa strateškim planom zaštite životne sredine.

2.2.9. Podaci o eventualnim poteškoćama sadrže informacije o poteškoćama kod izrade studije uticaja na životnu sredinu sa kojima se nosilac projekta suočio zbog tehničkih nedostataka.

2.3. Zaključak u smislu ovog pravilnika sadrži:

2.3.1. da li je projekat svojom funkcijom i tehničkim rješenjima bezbjedan u smislu uticaja na životnu sredinu;

2.3.2. prijedlog stalne kontrole parametara relevantnih za uticaj rada objekta na životnu sredinu, a koji su navedeni u studiji;

2.3.3. prijedlog nosiocu projekta i Odjeljenju nadležnom za zaštitu životne sredine u smislu daljnjih postupaka.

2.4. Netehnički rezime sadrži kratak rezime informacija datih u skladu sa tačkama 2.2.2.; 2.2.3.; 2.2.5. i 2.2.7. ovog Pravilnika izbjegavajući tehničke izraze, detaljne podatke i naučna objašnjenja.

3. Aneksi sadrže:

3.1. izvore podataka;

3.2. ovjere.

3.1. Pod izvorom podataka u smislu ovog Pravilnika podrazumijevaju se relevantni pravni propisi (zakoni i podzakonska akta) i korištena literatura (stručna literatura i objavljeni stručni radovi).

3.2. Studiju uticaja na životnu sredinu moraju potpisati lica po osnovu kojih je institucija dobila rješenje o ispunjenosti uslova i licencu, ostalih lica angažovanih u procesu izrade studije uticaja na životnu sredinu. Studija uticaja mora biti ovjerena potpisom i pečatom rukovodioca ovlaštene institucije. Pored navedenog, studija uticaja sadrži i priloge (topografske karte, situacioni plan objekata i lokacije, situacioni pregled).

Član 3. (Nadzor)

Nadzor nad primjenom ovog Pravilnika vrši Odjeljenje za javne poslove Vlade Brčko Distrikta BiH.

Član 4. (Stupanje na snagu)

Ovaj Pravilnik stupa na snagu 8. (osmog) dana od objavljivanja u Službenom glasniku Brčko Distrikta BiH.

Broj: 01-014-010383/06

Datum: 27.07.2006. godine

GRADONAČELNIK
Mirsad Đapo dipl. pravnik, s.r.